



XUNTA  
DE GALICIA

VICEPRESIDENCIA SEGUNDA E  
CONSELLERÍA DE PRESIDENCIA,  
XUSTIZA E DEPORTES



Xacobeo 21-22



FEDERACIÓN GALEGA DE AUTOMOVILISMO

Xunta Electoral

CARRETERA DE VIGO 43 BAIXO

32001 OURENSE

Achégase xunto a este oficio comunicación da Secretaría Xeral dirixida á xunta electoral da Federación Galega de Automovilismo.

Santiago de Compostela,

Teresa Carrera Babarro

Xefa do servizo Xurídico-Deportivo

*(documento asinado dixitalmente)*

Asinado por: CARRERA BABARRO, TERESA  
Cargo: Xefa do servizo Xurídico-Deportivo  
Data e hora: 04/10/2022 12:51:08

CVE: IA137H4Z1V1  
Verificación: <https://sede.xunta.gal/cve>

SECRETARÍA XERAL PARA O DEPORTE  
VICEPRESIDENCIA SEGUNDA E CONSELLERÍA  
DE PRESIDENCIA XUSTIZA E DEPORTES  
Rúa Madrid, 2-4, 2º andar. 15781 Santiago de Compostela



FEDERACIÓN GALEGA DE AUTOMOVILISMO  
CARRETERA DE VIGO 43 BAIXO  
32001 OURENSE

I.- O 08 de setembro de 2022, foi enviada á xunta electoral desa Federación, unha comunicación que, literalmente, di:

*O 06 de setembro de 2022 recibíuse nesta Secretaría Xeral a acta nº 6 da Xunta Electoral da Federación Galega de Automovilismo, que acorda, na data do 5 de setembro, aprobar o censo definitivo coas modificacións derivadas das resolucións do 25 de agosto e 2 de setembro de 2022 ditadas polo Comité Galego de Xustiza Deportiva nos expedientes 187/2022 e 188/2022.*

*Unha vez analizada a dita acta da Xunta Electoral, compróbase que, ademais de aprobar o censo electoral definitivo, acórdanse modificacións de feito ao Regulamento Electoral aprobado pola asemblea xeral da federación e, con posterioridade, coas emendas correspondentes, pola Secretaría Xeral para o Deporte. Concretamente na páxina 2 da acta sinalada dispónse, no seu parágrafo segundo, que "Así, teniendo en cuenta los porcentajes en cuanto a la proporcionalidad de la asamblea previstos en el artículo 18 del Reglamento Electoral y la previsión que conforme a dicha distribución se realizó en el artículo 17 del reglamento electoral partiendo de los datos del censo provisional, entendemos necesarias realizar las siguientes modificaciones"... así como na páxina 6, segundo parágrafo, que sinala "Así, el número total de miembros de la Asamblea pasaría de 64 (65 si la persona que resulte elegida para ejercer la presidencia no es miembro de la Asamblea) a 52 (53 si la persona que resulte elegida para ejercer la presidencia no es miembro de la Asamblea) conforme a la redistribución de estamentos y especialidades que ha quedado expuesta."*

*Neste senso compre indicar que, segundo o disposto no artigo 17 do Decreto 16/2018, do 15 de febreiro, polo que se establecen as bases e os criterios para a elaboración dos regulamentos electorais que deben rexer a realización dos procesos electorais nas federacións deportivas galegas, o regulamento electoral deberá ser aprobado pola asemblea xeral convocada para o efecto, punto 1, e, a resolución aprobatoria do regulamento electoral pola Secretaría Xeral para o Deporte esgotará a vía administrativa e unicamente poderá ser obxecto de recurso contencioso-administrativo, punto 5. **Polo tanto, gozando este de firmeza xurídica, non cabe a introdución de emendas ou modificacións ao Regulamento Electoral a través dun acordo da Xunta Electoral.***

SECRETARÍA XERAL PARA O DEPORTE  
VICEPRESIDENCIA SEGUNDA E CONSELLERÍA  
DE PRESIDENCIA XUSTIZA E DEPORTES  
Rúa Madrid, 2-4, 2º andar. 15781 Santiago de Compostela



*A este respecto, sendo coñecedora esta Secretaría de que foi presentado un recurso ante o Comité Galego de Xustiza Deportiva sobre, entre outras, as cuestións sinaladas, supeditamos á decisión do Comité sobre as mesmas unha ulterior comunicación onde se lle ordene modificar esta decisión.*

*Por último, sinálase que no censo detectáronse erros materiais (duplicados de deportistas en varias especialidades, etc.) que é obriga da propia Xunta Electoral depurar. Unha vez depurados estes erros materiais deberase remitir de novo o censo a esta Secretaría, xunto cunha nova acta.*

II.- O Comité Galego de Xustiza Deportiva, na súa resolución de 27 de setembro de 2022, resolveu archivar a pretensión de corrección de diversos erros materiais posto que a xunta electoral, na acta número 8, enviada ao Comité, e publicada na páxina web da Federación, corrixiu eses erros detectados. Por outra banda, declarouse incompetente para coñecer e resolver o acordo segundo da mesma acta de modificación da composición da asemblea xeral e da proporcionalidade dos estamentos, que ven a confirmar a decisión da xunta electoral da acta número 6, recorrida ante o Comité e recibida nesta Secretaría o 06 de setembro.

III.- Polo tanto, esta Secretaría considera depurados os erros materiais detectados e se lle require de novo o envío do censo definitivo actualizado.

IV.- Con respecto ao contido do punto segundo da acta 8, que reitera o acordado na acta 6, faise constar, que, tal e como xa se lle comunicou o 8 de setembro, a xunta electoral non pode introducir modificacións no contido do Regulamento Electoral, e así o reitera a resolución do Comité cando, no fundamento de dereito 1º, di: *"...o número 4 do artigo 34 do Decreto 16/2018, do 15 de febreiro, polo que se establecen as bases e os criterios para a elaboración dos regulamentos electorais que deben rexer a realización dos procesos electorais nas federacións deportivas galegas, modificado polo Decreto 171/2021, que leva por título a proporcionalidade na composición da asemblea xeral, establece :*

*"4. Unha vez **aprobados os censos electorais definitivos** de cada un dos estamentos da respectiva federación, e tendo en conta o número de membros do estamento de entidades deportivas, a **xunta electoral fixará o número concreto de membros de cada estamento**, segundo as porcentaxes e os criterios establecidos no regulamento electoral. Esta decisión da xunta electoral **non é impugnabile** e deberá ser notificada, no prazo de dous días, á **Secretaría Xeral para o Deporte para a súa autorización ou modificación**. A resolución da Secretaría Xeral para o Deporte porá fin á vía administrativa e contra ela poderase interpoñer **recurso contencioso-administrativo**".*

*A súa vez o artigo 17.5 establece que "a resolución aprobatoria do regulamento electoral pola Secretaría Xeral para o Deporte **esgotará a vía administrativa e unicamente poderá ser obxecto de recurso contencioso-administrativo.** (.....) **En ningún caso se poderá impugnar ante o Comité Galego de Xustiza Deportiva o contido do regulamento.**".*





*E o artigo 18 establece o contido mínimo dos regulamentos electorais das federacións deportivas de Galicia.*

*"1. O regulamento electoral regulará, como mínimo, as seguintes cuestións:*

*(...)*

*h) O número concreto de membros da asemblea xeral e, de ser o caso, as circunscricións electorais e os criterios de distribución entre elas para elixir os membros da asemblea xeral; deberase efectuar unha distribución inicial do número de representantes asignado a cada circunscrición por especialidade deportiva e por estamento. Esta distribución inicial poderá ser modificada pola xunta electoral unha vez aprobado definitivamente o censo electoral."*

*Á vista da redacción dos artigos anteriormente mencionados e, especialmente do artigo 18.1 letra h), débese concluír que a composición da asemblea xeral é un contido imprescindible do regulamento electoral de xeito que se o contido do regulamento electoral queda fora da competencia do CGXD (art 17.5) a súa modificación tamén debe quedar fora da competencia do CGXD.*

*Conclusión, e polo que respecta ás pretensións do recorrente de anular as modificacións acordadas pola xunta electoral en canto á proporcionalidade da asemblea e tamén do número de membros que a compoñen, a xunta electoral, e conforme ao disposto no artigo 34.4, **deberá notificala, no prazo de dous días, á Secretaría Xeral para o Deporte para a súa autorización ou modificación.** A resolución que adopte a Secretaría Xeral para o Deporte porá fin á vía administrativa e contra ela poderase interpoñer recurso contencioso-administrativo."*

Así, tal e como se comunicou o 08 de setembro, o acordo da Xunta Electoral recollido nas actas 6 e 8, notificado a esta Secretaría Xeral o 6 de setembro de 2022, de reducir o número de membros da asemblea xeral recollido no Regulamento non se axusta a dereito, posto que estase a modificar un acto firme, aprobado por resolución da Secretaría Xeral.

O alcance do artigo 8.5 do Regulamento electoral e artigos 14.3 e 34.4 do Decreto 16/2018, debe ser entendido como a fixación definitiva das proporcións entre estamentos, da distribución de membros tendo en conta o número fixado no propio Regulamento, que é inmodificable (art. 17.1 do Regulamento, isto é, 64 ou 65 membros) e os criterios que nel se establecen (artigos 17 e 18).

Deste xeito, a variación experimentada no censo do estamento de entidades deportivas, debe reflectirse na súa representación, tendo en conta o número de clubs e licencias (artigo 18.1 .a)), aplicando unha regra de tres, e, tendo en conta esa nova porcentaxe de representación, aplícala ao número de representantes, que é 45. É dicir, non se trata de reducir o número de membros, senón de recalcular, no caso do estamento de entidades deportivas, a porcentaxe de representación de cada especialidade tendo en conta o número de clubs que constan no censo definitivo (68 entidades deportivas fronte a 80 que constaban





no censo provisional). Polo tanto, a xunta electoral debe determinar a porcentaxe de representación que lle corresponde a cada especialidade, cos clubs que forman o censo definitivo, e asignar a cada unha desas especialidades, os representantes correspondentes do total.

V.- Concédesele un prazo de 10 días para enviar a esta Secretaría o censo definitivo e a correspondente acta da xunta electoral onde se determine definitivamente o número de concreto de representantes que se asigna a cada especialidade tendo en conta a representatividade de cada un e que o número segue a ser 64 ou 65.

En Santiago de Compostela,  
O subdirector xeral de Plans e Programas  
Jorge Rubén Samp Pedro Grande  
(documento asinado dixitalmente)

